

黃氏逸書考

漢學堂經解

逸書考

毛詩馬融注

甘泉黃奭學

樛木后妃逮下也

樛作糾

釋文

言刈其萑

萑萑蒿也

釋文

綠兮衣兮綠衣黃裏

鄭箋鞠衣黃展衣白綠衣黑皆以素紗爲裏釋

文展亦作禮音同

禮衣色赤

釋文

民國甲戌

毛詩馬融注

江都朱氏

雄雉

疾貪惡伎害之詩也

論語皇侃義疏

不伎不求何用不藏

伎害也藏善也言不伎害不貪求何用不

爲善也

一上

新臺刺衛宣公也

修舊曰新

釋文

巧笑倩兮美目盼兮

倩笑貌盼動目貌

論語注

施忘滅滅鱸鮪發發

滅滅大魚罔目大豁豁也發發魚著罔尾

發發然

釋文

出有樞

蟋蟀山樞之人並刺國君諷以太康馳驅

之節

後漢書馬融傳

弗曳弗婁

婁牽也

釋文

覲爾新昏以慰我心

慰安也

釋文

文王文王受命作周也

文王受命九年而崩

正義云劉歆作三統
麻考上世帝王以爲

文王受命九年而崩班固作漢書律麻志
載其說於是賈逵馬融王肅韋昭皇甫謐
皆悉同之

以赫厥靈上帝不寧小康禋祀居然生子

王肅引馬融曰帝嚳有四妃上妃姜嫄生
后稷次妃簡狄生契次妃陳鋒生帝堯次
妃姬訾生帝摯摯最長次堯次契下妃三

人皆已生子上妃姜嫄未有子故禋祀求
子上帝大安其祭祀而與之子任身之月
帝嚳崩摯卽位而崩帝堯卽位帝嚳崩後
十月而后稷生蓋遺腹子也雖爲天所授
然寡居而生子爲衆所疑不可申說姜嫄
知后稷之神奇必不可害故欲棄之以著
其神因以自明堯亦知其然故聽姜嫄棄
之

正義案帝王世紀帝嚳崩年一百五
十歲矣豈尙有懷妊之禮

漢學堂經解

逸書考

毛詩王肅注

甘泉黃奭學

哀窈窕思賢才而無傷害之心焉

以下周南

善心曰窈善容曰窕

釋文

哀窈窕之不得思

賢才之良質無傷善之心焉若苟慕其色

則善心傷也

正義

左右流之

左右如字

釋文

寤寐思服

民國甲戌

毛詩王肅注

江都朱氏

服膺思念之

正義

葛之覃兮施于中谷

葛生於此延蔓於彼猶女之當外成也

上全

薄汗我私薄澣我衣

煩擗澣濯其私衣

全上

芣苢后妃之美也

自關雎至芣苢后妃房中之樂

見周南召南譜正義

芣苢木也實似李食之宜子出於西戎

正義

山海經及周書王會皆云衛氏傳及許慎並同此王肅亦同

采采芣苢

周書王會云芣苢如李出於西戎

正義

魴魚頰尾王室如燬

當紂之時大夫行役

全上

百兩御之

以下召南

御魚據反侍也

釋文

以奠之宗室牖下

此篇所陳皆是大夫妻助夫氏之祭采蘋

藻以爲菹設之於奧

正義

誰其尸之有齊季女

毛傳禮之宗室謂教之以禮於宗室本之季女取微主也其毛傳所云牲用魚芼之以蘋藻亦謂教成之祭非經文之蘋藻也

全上

退食自公

自減膳食聖人有逼下之譏

全上

標有梅男女及時也

前賢有言丈夫二十不敢不有室女子十

五不敢不事人

正義

標有梅之詩殷紂暴亂娶失其盛時之年
習亂思治故美文王能使男女得及其時
周官疏

邶鄘衛譜

譜云庶殷頑民被紂化日久未可以建諸
侯乃三分其地置三監使管叔蔡叔霍叔
尹而教之

邶以封紂子武庚鄘管叔尹之衛蔡叔尹

民國甲戌

毛詩王輔生

三江都朱氏

之以監殷民謂之三監

正義引地理志云王肅服虔皆依志

爲說

譜云自紂城而北謂之邶南謂之鄘東謂之衛

鄘在紂都之西

正義

邶鄘衛者殷紂畿內地名屬古冀州自紂城而北曰邶南曰鄘東曰衛衛在汲郡朝歌縣時康叔正封於衛其末子孫稍并兼彼二國混其地而名之作者各有所傷從

其本國而異之故有邶鄘衛之詩

釋文引鄭云王

肅同

綠兮衣兮綠衣黃裏

以下邶風

夫人正嫡而幽微妾不正而尊顯

正義

逝不相好

相好如字

釋文

寤言不寐願言則嚏

願以母道往加之則寤劫而不行

正義

死生契闊與子成說執子之手與子偕老

言國人室家之志欲相與從生至死契闊
勤苦而不相離相與成男女之數相扶持

至老 全上

于嗟洵兮

爰居而下三章衛人從軍者與其室家訣

別之辭 歐陽修詩本義

雝雝鳴鴈旭日始旦

親迎用昏而曰旭日者詩以鳴鴈之時納

采以感時而親迎 正義引王肅論

士如歸妻迨冰未泮

舊說謂士如歸妻我尙及冰未泮定納

正義

不我能慥

慥養也

釋文

日之方中

教國子弟以日中爲期欲其徧至

正義

遒臻于衛不瑕有害

言願疾至於衛不遠禮義之害

全上

彤管有煒說懌女美

嘉彤管之煒煒然喜樂其成女美也 全上

說音悅懌音亦 釋文

籛條不鮮

鮮少也

正義不殄下云言齊女反得籛條
之行而不絕者謂行之不止常然
推此則首章鮮爲少傳不言耳故王肅亦
爲少也

鄘

土城以西曰鄘 釋文

玼兮玼兮 以下鄘風

玼顏色衣服鮮明貌

釋文沈云毛及吕忱
並作此解王肅亦同

色衣服鮮明貌本或作瑳此是後文瑳兮
王肅注好美衣服潔白之貌若與此同不
容重出今檢王肅本後不釋不如沈所言
也

良馬五之

古者一轅之車駕三馬則五轡其大夫皆
一轅車夏后氏駕兩謂之麗殷益以一駢
謂之駟周人又益以一駢謂之駟本從一
驂而來經言驂則三馬之名

正義

衛

約都之東也

釋文

考槃在澗碩人之寬獨寐寤言永矢弗諼下以
衛風

窮處山澗之間而能成其樂者以大人寬
博之德故雖在山澗獨寐而覺獨言先王
之道長自誓不敢忘也美君子執德宏信
道篤也歌所以詠志長以道自誓不敢過

差

正義

螭首蛾眉

蜻蜻如蟬而小

釋文

秋以爲期

季秋霜降嫁娶者始也

家語注引詩

桑之落矣其黃而隕自我徂爾三歲食貧

言其色黃而隕墜也婦人不慎其行至於
色衰無以自託我往之女家從華落色衰
以來三歲食貧矣貧者乏食飢而不充喻
不得志也

際則有畔

傳畔坡也釋文坡本作陂本或作波字未詳觀王述意似作破

將其來施施

王風

將如字

釋文

駟介芴芴

以下鄭風

芴芴疆也

全上

舍命不渝

舍受也

全上

山有橋松

橋高也

全上

俟我乎堂兮

升於堂以俟

正義

有女如荼

見棄又遭兵革之禍故皆喪服也

全上

野有蔓草零露漙兮

草之所以能蔓延被盛露也民之所以能

蕃息蒙君澤也

全上

充耳以素乎而

以下齊風

王后織玄紵天子之玄紵一玄而已何云

具五色乎

全上

尚之以瓊華乎而

以美石飾象珎

全上

東方之日兮

言人君之明盛刺今之昏闇

全上

履我卽兮

言古婚姻之正禮刺今之淫奔

全上

既曰歸止曷又懷止

文姜既嫁於魯適人矣何爲復思與之會

而淫乎

全上

葛屨五兩

兩如字

釋文

敝筍在梁其魚魴魮

言魯桓之不能制文姜若敝筍之不能制

大魚也

正義

展我甥兮

據外祖以言也

全上

言采其莫

以下魏風

大夫采芣

全上

陟岵

民園甲戌

毛詩王肅注

九江鄒朱氏

多草木岵無草木岵

毛傳山無草木曰岵
山有草本曰岵釋文

於詩序下云岵音戶
此傳乃解岵共爾雅
不同王肅依爾雅

職思其居

以下唐風

其居士思以禮樂自居也其外言思無越
於禮義也其憂言荒則憂也

正義

椒聊之實蕃衍盈升

椒芬芳之物

載芟釋文

種一實蕃衍滿一升

正義

碩大無朋

傳朋比也

釋文王肅必履反謂無
比例也

三星在天

謂十月也 正義

今夕何夕見此良人

婚姻不得其時故思詠嫁娶之夕而欲見

此美室也 全上

見此粲者

言在位者亦不能及禮也 全上

豈無他人維子之故

我豈無他國可歸乎維念子與我有故舊

也 全上

民國甲戌

毛詩王肅注

十江都朱氏

角枕粲兮錦衾爛兮

見夫齊物感以增思

全上

車鄰美秦仲也秦仲始大有車馬禮樂侍御
之好焉

以下秦風

秦爲附庸世處西戎秦仲修德爲宣王大
夫遂誅西戎是以始大

正義

公之媚子

卿大夫稱子

全上

小戎

駕兩馬者

釋文

龍盾之合

合而載之以爲車蔽也

正義

所謂伊人在水一方

維得入之道乃在水之一方一方難至矣
水以喻禮樂能用禮則至於道也

全上

山有苞櫟隰有六駮

言六據所見而言也倨牙者蓋謂其牙倨
曲也言山有木隰有獸喻國君宜有賢也

全上言六據所見言之又見王質詩總聞

六
豈曰無衣與子同袍

豈謂子無衣乎樂有是袍與子爲朋友同
其弊之以興上與百姓同欲則百姓樂致
其死如朋友樂同衣袍也 全上

王于興師

疾其好攻戰不由王命故思王興師 全上

於我乎夏屋渠渠今也每食無餘

居則立之於先君食則受之於今君故居

大屋而食無餘

全上

穀旦于差

釋文旦本亦作且
以下陳風正義同

旦七也反苟且也

正義

越以𩇛邁

𩇛數績麻之縷也

正義

泌水洋洋可以樂飢

洋洋泌水可以樂道忘飢
巍巍南面可以

樂治忘亂

可與晤歌

可以與相遇歌樂室家之事

全上

東門之楊

陳棄周禮國亂悲傷故刺昏姻不及其時
周官疏

匪適株林從夏南

言非欲適株林從夏南之母反覆言之疾
之也 全上

乘我乘駒

陳大夫孔寧儀行父與君淫於夏氏

全上

檜

周武王封之於濟洛河頰之間爲檜子正義

庶見素冠兮檜風

素冠大祥之冠正義

幽譜

周公以公劉大王能憂念民事成此王業
今管蔡流言將絕王室故陳幽公之德言

已攝政之意正義

田峻至喜以下幽風

喜如字

釋文

殆及公子同歸

國君既修其政又親使公子躬率其民同
時歸也

正義

七月鳴鵙

蟬及鵙皆以五月始鳴今云七月其義不
通古五字如七

全上又左昭十七年正義
引王肅曰七當爲五月令

仲夏鵙始鳴

既取我子無毀我室

鄭箋時周公克武王之
喪欲攝政成周道致太

平之功管叔蔡叔等流言云公將不利于孺子成王不知其意而多罪其屬黨與者喻此諸臣乃世臣之子孫其父祖以勤勞有此官位土地今若誅殺之無絕其位奪其土地王意欲誚公此之由然

按經傳內外周公之黨具存成王無所誅殺橫造此言其非一也設有所誅不救其無罪之死而請其官位土地緩其大而急其細其非二也設已有誅不得云無罪其非三也

正義

恩斯勤斯鬻子之閔斯

勤惜也周公非不愛惜此二子以其病此

成王

全上

迨天之未陰雨徹彼桑土綢繆牖戶

鴟鴞及天之未陰雨剝取彼桑根以纏綿

其戶牖以興周室積累之艱苦也

全上

今女下民或敢侮予

今者周公時言先王致此大功至艱難而

其下民敢侵侮我周道謂管蔡之屬不可

不遏絕以全周室

全上

曰予未有室家

我爲室家之道至勤苦而無道之人弱我
稚子易我王室謂我未有室家之道

全上

予室翹翹風雨所漂搖予維音嘒嘒

言盡力勞病以成攻堅之巢而爲風雨所
漂搖則鳴音嘒嘒然而懼以言我周累世
積德以成篤固之國而爲凶人所振蕩則
已亦嘒嘒天懼

全上

勿士行枚

行戶剛反

釋文

倉庚子飛熠燿其羽

倉庚羽翼鮮明以喻嫁者之盛飾

正義

既破我斧又缺我斨

今四國乃盡破其用

全上

伐柯美周公也周大夫刺朝廷之不知也

朝廷斥成王

正義又幽譜正義伐柯王肅云朝廷斥成王也肅又云或

日東山既歸之詩而朝廷不知猶在下何日同時之作破斧惡四國而其辭曰周公東征四國是皇猶追而刺之所以極美周公又伐柯正義云王肅以爲既作東山又

道作此詩以刺王

伐柯如何匪斧不克

能執治國家之斧柄其唯周公乎

全上

伐柯伐柯其則不遠

言有禮君子恕施而行所以治人則不遠

全上

我覲之子籩豆有踐

我所見之子能以禮治國踐行列之貌籩

豆行禮之物也

全上

九罭之魚鱒魴

以興下土小國不宜久留聖人

全上

鴻飛遵渚

以其周公大聖有定命之功不宜久處下土而不見禮迎

全上

公歸不復

未得所以反之道

全上

無使我心悲

公久不歸則我心悲

全上

公孫碩膚赤舄几几

言周公所以進退有難者以俟王之長大
有大美之德能服盛服以行禮也 全上

人之好我示我周行 以下小雅

謂羣臣嘉賓也夫飲食以饗之瑟笙以樂
之幣帛以將之則能好愛我好愛我則示
我以至美之道矣 正義

駉駉征夫每懷靡及

使臣之行必有上介眾介雖內多懷中和

之道猶自以無所及是以驅馳而咨諫之
正義

載馳載驅周爰咨詢

雖有中和者卽上每雖懷和
正義

常棣之華鄂不韡韡

不韡韡言韡韡也以興兄弟能內睦外禦
則強盛而有光燿若常棣之華發也
全上

凡今之人莫如兄弟

管蔡之事以次而爲常棣之歌爲來今
全上

伐木丁丁鳥鳴嚶嚶

鳥聞伐木驚而相命嚶嚶然故曰丁丁嚶嚶相切直以與朋友切切節節

全上

小人所腓

所以避患也

全上

魚麗美萬物盛多能備禮也文武以天保以上治內采芾以下治外

常棣之作在武王既崩周公誅管蔡之後而在文武治內之篇何也夫刑于寡妻至

于兄弟以御于家邦此文武之行也閔管
蔡之失道陳兄弟之恩義故內之於文志
之正雅以成燕羣臣燕兄弟燕朋友之樂
歌焉全上

烝然罩罩

烝衆也

釋文

君子有酒嘉賓式燕以樂

在位朝廷之求賢

正義

受言藏之

我藏之以示子孫也

全上

一朝酬之

酬報功也

全上

其武之服

共音恭

侵鎬及方

鎬京師

釋文

鎬京

正義

薄伐玁狁至于太原

宣王親伐玁狁出鎬京而還使吉甫追伐

追逐乃至於太原

正義見序六月宣王公代也下

夜未央

央且未旦夜半

正義

我行其野蔽芾其樛

行遇惡木言已適人遇惡人也

全上

斯干宣王考室也

宣王脩先祖宮室儉而得禮

全上

噲噲其正噦噦其冥君子攸寧

傳正長也冥幼也長丁丈

反幼如字釋文

宣王之臣長者寬博者閑習噦

噦然夫其所與翔於平正之庭列於高大之楹皆少長懷德有禮之士所以安也上全載衣之裳載弄之璋

言無生而貴者也羣臣之從王行禮者奉璋又棫樸曰奉璋峨峨髦士攸宜全上

節彼南山有實其猗赫赫師尹不平謂何南山高峻而有實之使平均者以其草木之長茂也師尹尊顯而有益之使平均者

三言三用
補刊
以用衆士之智能今專已不肯用人以至

於不平也

全上

天子是毗

釋文王作瑋

瑋厚也

釋文

俾民不迷

言師尹當毗輔天子使民不迷

家語注

不自爲政卒勞百姓

鄭箋卒終也昊天不自出政教則終窮苦百姓

欲使昊天出圖書有所授命民乃得安

言政不由王出也

正義禮人臣不顯諫諫猶

不顯况欲使天更授命詩皆獻之於君以
爲箴規包藏禍心臣子大罪况公言之乎
全上

蹙靡所騁

蹙七厯反

釋文

不懲其心覆怨其正

覆猶背也師尹不定其心邪僻妄行故下

民皆怨其長

正義

民之無辜并其臣僕

今之王者好陷入人罪無辜下至於臣僕
言用刑趣重 全上

既克有疋靡人弗勝

既有所定皆乘陵人之事言殘虐也 全上

謂天蓋高不敢不局謂地蓋厚不敢不躋

言天高已不敢不曲身危行恐上觸忌諱
也地至厚已不敢不累足懼陷於在位之

羅網也 全上

洽比其鄰昏姻孔云

言王但以和比其鄰近左右與昏姻其親友而已不能親親以及遠

全上

十月之交大夫刺幽王也

四篇正刺幽王

全上

家伯維宰

宰爲小宰

全上

曰予不戕

釋文王作臧

臧善也

釋文

淪胥以鋪

民國甲戌

三詩三齊上

三江都朱氏

鋪病也

釋文

周宗既滅靡所止戾

周室爲天下所宗其道已滅將無所止定

正義

正大夫離居莫知我勤

長官大夫我之賢友奔走竄伏與我離居
我勞病莫之知也故下章思之欲遷還於

王都

全上

國雖靡止或聖或否民雖靡旃或哲或謀或

肅或艾

釋文應王火吳反大也

煦讀爲憺喜吳反撫大也無大有人言少也國雖小民雖少猶有此六事全上

飲酒温克

温如字柔也

釋文

教誨爾子

王者作民父母故以民爲子

正義

亂之初生僭始既涵

言亂之初生譏人數緣事始自入盡得容

其讒言有漸也

全上言有漸也徐熬詩經廣詁作無有別也

躍躍兔遇犬獲之

言其雖騰躍逃隱其迹或適與犬遇而見

獲

全上

暴公爲卿士而譖蘇公焉

二人俱爲王卿相隨而行

全上

伯氏吹壘仲氏吹篪

我與汝同寮長幼之官如壘篪之相和

全上

巷伯刺幽王也寺人傷於讒故作是詩也

今後宮稱永巷是宮內道名也伯長也主
宮內道官之長人主於羣臣貴者親近賤
者疎遠主宮內者皆奄人奄人之中此官
最近人主故謂之巷伯也

全上

誰適與謀

適都歷反下同

釋文

四月維夏六月徂暑

詩人以夏四月行役至六月暑往未得反
已闕二時之祭後尙復闕二時也

正義

先祖匪人胡寧忍予

征役過時曠廢其祭祀我先祖獨非人乎
王者何爲忍不憂恤我使我不得修子道
全上

廢爲殘賊

廢大也 釋文此是王肅義

匪鴉匪鳶翰飛戾天匪鱸匪鮪潛逃于淵

以言在位非鴉鳶也何則貪殘驕暴高飛

至天時賢非鱸鮪也何爲潛逃以避亂

正義

鼓鐘將將淮水湯湯憂心且傷

凡作樂而非所則謂之注注過也幽王既用樂不與德比又鼓之於淮上所謂過也桑間濮上亡國之音非徒過而已

全上

以往烝嘗

舉盛言也

全上

或肆或將

分齊其肉所當用

全上爾雅釋言將齊也正義詩或肆或將王肅

云分齊其肉所當用也又爾雅釋言釋文引王肅云分齊其肉所當用也分如字

或燔或炙

取腓脢燔燎報陽也

全上

既齊既稷既匡既勅

齊如字齊整也

釋文

執事已整齊已極疾已

誠正已固慎也

正義

俶彼甫田歲取十千

太平之時天下皆豐故不繫之於夫井不限之於斗斛要言多取田畝之收而已

正義

攸介攸止

介大也 是君子治道所大功所定止上全
以介我稷黍以穀我士女

大得我稷黍以善我男女言倉廩實而知
禮節也 正義

曾孫來止以其婦子饁彼南畝田峻至喜攘
其左右嘗其旨否

攘如字

釋文

曾孫來止親巡畝勸稼穡也

農夫務事伸其婦子竝饁饋也田峻之至
喜樂其事教農以閒暇攘田之左右除其

毛詩主肅注

草萊嘗其氣旨土和義與否也

正義

婦人無

闕外之事又帝王乃躬自食農人固則力
不供不徧則爲惠不普立說非也

正義

倣載南畝

倣爲始載爲王言用我之利耜始種事於

南畝

乘馬在廄

乘繩證反四馬也

釋文

有頰者弁實維伊何

言無常也興有德者則戴頽然之弁矣正義

實維何期

期如字

釋文

言冕其在人之無期也

正義於此下云

其意以傷王無德將不戴弁

親爾新昏以慰我心

新昏謂褒姒也大夫不遇賢女而後徒見

褒姒讒巧嫉妬故其心怨恨正義

大侯既抗已矢斯張

幽王飲酒無度故言燕禮之義其奏云言

燕樂之義得則能進樂其先祖猶孝經說
大天上之行曰然後能守其宗廟而保其
祭祀非唯祭之日然後能保而行之以此
故言絜衍非實祭也 全上

發彼有的

二尺曰正四寸曰質爾雅云射張皮謂之
侯侯中者謂之鵠鵠中者謂之正正方二
尺也正中謂之絜方六寸也絜則質也舊
云方四寸今云方六寸爾雅說之明宜從

之

酌彼康爵以奏爾時

奏中者以飲不中者

全上

式勿從謂

用其醉時勿從而謂之

全上

有那其居

多也

釋文

菽采菽筐之筥之

筐筥受所采之菜牢禮所以待來朝諸侯

正義

鬻沸檻泉言采其芹

泉水有芹而人得采焉王者有道而諸侯

法焉 全上

毋教猥升木如塗塗附

教猥升木必也如以塗之必著 全上

毋天肯下遺

遺如字 釋文

氏居

隻力住反數也 全上

上帝甚蹈

上帝爲斥王 正義

充耳琇實

以美石爲瑱塞實其耳 全上

謂之尹吉

正而吉也易繫辭云吉人之辭寡 全上

五日爲期

五日一御大夫以下之制 全上

中心藏之

藏才郎反

釋文

白華營兮白茅束兮

白茅束白華以興夫婦之道宜以端成絜

白相申束然後成室家也

正義

天步艱難之子不猶

天行艱難使下國化之以倡爲不可故也

全上

嘯歌傷懷念彼碩人

碩人謂中后也

全上

有兔斯首

唯有一兔頭耳

全上

漸漸之石維其高矣山川悠遠維其勞矣

言遠征戎狄戍役不息乃更漸漸之高石
長遠之山川維其勞苦也

全上

武人東征不皇朝矣

武人王之武臣征役者言皆勞病東行征

伐東國以困病不暇脩禮而相朝

全上

毛詩王肅注

文王文王受命作周也

以下大雅

文王受命九年而崩

正義云劉歆作三統
麻考上世帝王以爲

文王受命九年而崩班固作漢書律麻志
載其說於是賈逵馬融王肅韋昭皇甫謐
皆悉同之

帝命不時

天命之是也言時天下莫若文王

正義

陳錫哉周文王孫子文王孫子本支百世

文王能布陳大利以賜予人故能載行則
道致有天下維文王孫子受而行之美其

本支子孫言文王之功德其大宗與支子孫承百世之道

全上

思皇多士生此王國王國克生維周之楨

言天思周德至盛故爲生衆士於此周國王國能生此衆美之士維周以之爲楨幹也

全上

商之孫子其麗不億上帝旣命侯于周服

商之孫子有過億之數天旣命文王則維服於周盛德不可爲衆

全上

殷士膚敏

殷士有美德言其見時之疾知早來服周

也 全上

裸將于京

殷士自殷以其美德來歸周助祭行灌鬯

之禮也 全上

日嬪于京

唯盡其婦道於大國耳 全上

造舟為梁不顯其光

造舟爲梁然可以顯著其光輝明文王之
聖德於是可以王也 全上

維子侯興

其眾維叛殷我興起而滅殷 全上

肆伐大商會朝清明

以甲子昧爽與紂戰不崇朝而殺紂天下

乃大清明無濁亂之政 全上

爰始爰謀

於是始居之於是先盡人事謀之於眾 全上

迺左迺右

乃左右開地致邑以居其民 全上

迺宣迺畝

宣徧也

度之薨薨

薨薨亟疾也 釋文

柞械拔矣行道兌矣

柞械生柯葉拔然時混夷伐周 正注引帝王世紀云

文王受命四年周正月丙子混夷伐周一月三至周之東門文王閉門修德而不與

王肅同其說以申毛義以爲柞棧云云

左右奉璋

鄭箋璋璋瓚也祭祀之禮王祿以圭瓚諸臣助之亞裸以璋瓚

羣臣從王行禮之所奉顧命曰太保秉璋

以酢

正義

一本有圭瓚若以圭爲柄謂之圭

瓚未有名璋瓚爲璋者

全上

追琢其章金玉其相

以興文王聖德其文如彫琢矣其質如金

玉矣

全上

惠於宗公神罔時怨神罔時恫

民國甲戌

三詩三書上

三江都朱氏

文王之德能上順祖宗安寧百神無失其道無所怨痛

全上

以御于家邦

以迎治天下之國家

全上

不聞亦式不諫亦入

不聞道而自合於法無諫者而自入於道也

全上

肆成人有德小人有造

文王性與道合故周之成人皆有成德小

子未成皆有所造爲進於善也 全上

古之人無斃

言文王性與古合 全上

譽髦斯士

髦俊也古之人無厭於有譽之俊士也 釋文

云此王肅語

維彼四國爰究爰度

彼四方之國乃往從之謀往從之居 正義

上帝耆之

惡桀紂之不德也

全上

帝遷明德串夷載路

天以周家善於治國徙就文王明德以其
由世習於常道故得居是大位也

全上

帝作邦作對自大伯王季

大伯見王季之生文王知其天命之必在
王季故去而適吳大王沒而不返而後國
讓於王季周國大興故本從大伯讓與王

季

全上

此王季因心則友則友其兄則篤其六廢之
之光受祿無喪奄有四方

王季能友稱大伯之讓意則天厚與之義
錫文土之六位也 全上

維此王季帝度其心

春秋左氏傳昭公二
八年詩曰唯此文王

度其心正義曰今王肅注毛詩亦作維此

帝謂文王

帝謂文王者詩人言天謂文王有此德此
天教語文王以此事也若天爲此辭誰所

傳道 正義

密人不恭敬距大邦

密須氏姑姓之國也乃不恭其職敢興兵
相逆大國侵周地 全上

伐阮徂共

無阮徂共二國

全上 案鄭箋云阮也徂也共也三國犯周故王

云云

赫斯怒爰整其旅以按徂旅

密人之來侵也侵阮遂往侵共遂往

故王赫斯怒於是整其師以止且旅之寇
侵阮徂其文次不便不得復說旅故於此
而見焉上曰徂其此曰徂旅又爲周王之
所禦其密人亦可知也省煩之義詩人之
微意也

全上

其在京侵自阮疆陟我高岡無矢我陵我
我阿無飲我泉我泉我池

密人乃依阻其京陵來侵自文王阮邑之
疆密人升我高岡周人皆怒曰汝無陳於

我陵是乃我文王之陵阿也泉池非汝之
有勿敢飲食之 全上

不長夏以革

非以幼弱未定長大有所改更言幼而有
天性長幼一行也 全上

墉言言

高大言其無所懷 全上

是伐是肆

至疾乃威有罪 全上

四方以無拂

拂違也

釋文見臧庸毛詩馬王微引
詩經廣詁引此三字下注云正

今閱正義無釋文亦俟檢

昭茲來許

來如字

全上

詒厥孫謀

孫如字

全上

克禋克祀

外傳曰精意以享曰禋禋非燔燎之謂也

正義

以赫厥靈上帝不寧不康禋祀居然生子

天以是顯著后稷之神靈降福而安之言

姜嫄可謂禋祀所安無疾而生子上全引馬

融曰帝嚳有四妃上妃姜嫄生后稷次妃

簡狄生契次妃陳鋒生帝堯次妃嫫訾生

帝摯摯最長次堯次契下妃三人皆已生

子上妃姜嫄未有子故禋祀求子上帝大

生其家而後生之上全引馬任身之月帝嚳為

帝崩帝薨卽位帝嘗崩後十月而尸

尸蓋遺腹子也雖爲天所授然寡居五

年子爲衆所疑不可申說姜嫄知后稷之

神奇必不可害故欲棄之以著其神因以

自明堯亦知其然故聽姜嫄棄之肅以融

言爲然全上案世紀帝嘗在位七十三年

百五歲而崩據竹書在位六十三

年亦止少七年耳則崩年亦當九十八歲

元妃位在三妃之上年必與帝嘗相仿豈

有八九十歲老人懷妊之禮融說斷不可

從此意王基孫毓駁語俱未見及

敦弓旣堅

養老燕時 全上

室家之壺

其善道施於室家而廣及天下 全上

公施來燕來宗

言尊敬孝子也 全上

公劉召康公戒成王也

公姓也到名也 正義釋文同

既順

徧謂廬井

遊彼百泉瞻彼溥原迺陟南岡乃觀于京

往之彼百泉之地乃視彼大原乃見是京

而居之可以避水禦亂也

全上

其軍三單度其隰原徹田爲糧

三單相襲止居則婦女在內老弱次之強

壯在外言自有備也徹治也居其民衆於

隰與原治其田疇以爲糧

全上

度其夕陽幽居允荒

居其夕陽之地幽國之居信廣大也

全上

爽其皇澗遡其過澗

或爽或嚮所以利民也

全上

乎奠爾游矣優游爾休矣

周道廣大而有文章故君子得以樂易而

來游優游而休息

全上

亦集爰止

鳳皇雖亦高飛傳天而亦集所宜止

全上

夜雖小子而式弘大

夜雖小子而式弘大

念我土宇

乃念天下居士之不安

正義

其何能淑載胥及溺

今之政其何能善但君臣相與陷溺而

全上

好是稼穡力民代食

當好知稼穡之艱難有功力於民代無功

若食天祿

正義

稼音駕謂耕稼也穡謂收穡

也

釋文

稼穡維寶代食維好

能知稼穡之事唯國寶也使能者代不能

者食祿則政唯好

正義

進退維谷

進不遇明君退不遇良臣維以窮全

覆社以喜

狂居况反

釋文

既之陰女尸不赫

汝行矣乃反來變我我欲有

止我言者也

正義陰如字謂陰知之釋文

民之罔極職涼善背

民之無中和士爲薄俗善爲欺背

正義

民之回遘職競用力

今民之爲

辦乃主相與競用力爲之

倬彼雲漢

倬著也

釋文

后稷不克上帝不臨耗斁下上寧丁我躬

后稷不能福祐我邪上帝不能臨饗我邪

天下耗敗當我身邪

正義

罪人不周無不能止

靡人而不周其急也無不能而止者其發倉廩散積聚有分無多寡無敢有不能而

止者言上下同也

全上

云如何里

釋文本亦作瘞

瘞病也

釋文

昭假無黨大命近止無棄爾

大夫君子公卿大夫也昭其至誠於天下
無敢有私贏之而不敷散大夫君子所以
無私贏者以民近死亡當賑救之以全汝
之成功 正義

王命召伯定申伯之宅

召公爲司空主繕治 全上

錫爾介圭以作爾寶

寶瑞也桓圭九寸諸侯圭之大者所以朝

天子 全上

其風肆好

風如字音也

釋文

邦國若否

一否方九反不也

釋文

每懷靡及

仲山甫雖有柔和明知之德猶自謂無及

正義

淑旂綬章

世所以爲表章全上

晉王之甥

大王王之尊稱也

全上

廢既令居

令力政反善也

釋文

溥彼韓城

今涿郡方城縣有韓侯城世謂寒號城也

水經聖水注

燕師所完

燕烏賢反北燕國

全上燕北燕國又見四學紀聞三

常武召穆公美宣王也

王不親行 正義

南仲大祖大師皇父

皇父以三公而撫軍也殊南仲於王命親

兵也 全上

三事就緒

就其事業 全上

鋪敦淮漬

敦如字厚也 釋文

哲夫成城哲婦傾城

傳哲知也釋文知王申毛如字

懿厥哲婦

懿於其反痛傷之聲

釋文

舍爾介狄維予胥忌

舍爾大道遠慮反與我賢者怨乎

正義

周頌譜

周公攝政成王之事年

正義云王肅準鴟鴞之傳而爲之說

則周公攝政成王之事年毛意或如王肅言也

於穆不已

正義譜云子思論詩於穆不已仲子曰於穆不似王肅述毛亦爲不

民國甲戌

毛詩王肅主

四江都朱氏

已 以下周頌

假以溢我

傳溢慎釋文慎王作順解也

無封靡于爾邦維王其崇之念茲戎功繼序
其皇之

武王得天下因殷諸侯無大累於其國者
就立之序繼也繼續先人之大功而美之
正義

有夷之行

行下孟反

釋文

至不敢康

王如字

全上

夙夜基命宥密

言其脩德常如始易曰日新之謂盛德

箕式刑文王之典日靖四方伊嘏文王既右

饗之

善用法文王之常道日謀四方維天乃大

文王之德既佑助而歆饗之

全上

奄觀銍艾

奄同也

正義

奄如字

釋文

諫昭假爾

假音裕

釋文

終三十里

三十里天地合所之而二十則天下徧

正義

相維辟公天子穆穆

來助祭者維國君諸公天子穆穆然以美

德謂之王

全上

於薦廣牡

於音烏

釋文

耆定爾功

致定其大功謂誅紂定天下

正義

閔予小子嗣王朝於廟也

此篇爲周公致政成王嗣位始朝於廟之

樂歌

正義

閔予小子遭家不造嬛嬛在疚

病乎我小子乃遭家之不爲言先王崩則
家事莫爲徒嬛嬛在憂而病故周公代爲

家事以致太平 全上

將予就之繼猶判渙

將予就繼先人之道業乃分散而去言已
才不能繼 全上

命不易哉

易以豉反 釋文

莫予弄蜂自求辛螫

以言才薄莫之藩援則自得辛毒

雞尤被桃蟲拚飛維鳥

楚家多詩子入集于楚

非徒多難而已又多辛苦

番際徂畛侯主侯伯侯亞侯旅扶疆侯以

有際則有原言畛新可見美其陰陽

同時就功也

全上

縣縣其庶

芸者其衆縣縣然不絕也

全上

以疇茶蓼

茶陸穢蓼水草

正義

茶陸穢草

正義

爾雅釋草正

於鑠王師遵養時晦時純熙矣是用大介

於乎美哉武王之用衆也率以取是昧謂
誅紂定天下以除昧也於是道大明是用
有大大言太平也

正義

我龍受之躑躑王之造載用有嗣

我周家以天人之和而受厥用武德嗣文
之功

全上

於昭于天皇以間之

於乎周道乃昭見於天故用美道代於

天下全上

於釋思

於音烏釋文

於皇時周陟其高山

美矣是周道已成天下無違四面巡岳升

祭其高山正義

魯頌譜

當文公時魯賢臣季孫行父請於周而合

史克作頌四篇以祀

正義

思馬斯徂

以下皆頌

徂往也所以養馬得往古之道

全上

不錫難老順彼長道屈此羣醜

天長與之難老之福乃能順彼仁道之

道以斂此羣衆

全上

克桓于征狄彼東南

狄他歷反遠也

釋文

率其威武往征

有謂淮夷

正義

烝烝皇皇不吳不揚

吳音誤

釋文云又作吳音話同

言其人德厚不過誤

有傷者

正義

角弓其觶束矢其搜戎車孔博徒御無斃既克淮夷孔淑不逆式固爾猶淮夷卒獲

言弓弛而不張矢斨而不用兵車甚博大徒行御車無厭其事者已克淮夷淮夷甚化於善不逆道也魯侯能固執其大道卒

以得淮夷

正義博太也釋文

民國甲戌毛詩王肅注

四九江都朱氏

降之百福

謂受明哲之性長於稼穡

正義

奄有下國俾民稼穡

堯命以后稷使民知稼穡下國同時有此

大功也

全上

無貳無虞上帝臨女

天下歸周無貳心無疑誤上帝臨命汝

正義

敦商之旅

敦都門反厚也

釋文

犧尊將將

將將盛美也大和中魯郡於地中得齊大
夫子尾送女器有犧尊以犧牛爲尊然則

象尊尊爲象形也

正義

犧許宣反尊名也

釋文

案春秋正義定十年日王齋以爲犧尊
象尊爲牛象之形背上負尊魏大和中青
州掘得齊大夫子尾送女器爲牛形而背
上負尊又釋文莊子馬蹄曰犧尊王肅云
刻爲牛頭

松栢有舄

言無刻飾文章徒見松栢疆大至牢固

正義

新廟奕奕奚斯所作

僖公以庶兄後閔公爲之立廟奕奕盛大
美其作之中禮能自儉而崇大宗廟

全上

湯孫奏假綏我思成

以下商頌

湯之爲人子孫能奏其大樂以安我思之
所成謂萬福來宜天下和平

正義

顧予烝嘗湯孫之將

言嘉客顧我烝嘗而來者乃湯爲人子孫
顯大之所致也

全上

養我思成

先祖賜我思之所欲成也

全上

來假來享

祖考來至來享嘉薦

正義假至也釋文

湯孫之將

祭中宗而引湯者本王業之所起也

正義

奄有九有

同有九州之貢賦也

全上

商之先后受命不殆在武丁孫子

殷質以名篇商之先君成湯受天命
不危殆者在武丁之爲人孫子也

全上

暨域彼四海

殷道衰四夷來侵至高宗然後復以

爲境域也

全上

景員爲河

河河水

釋文

大禘大禘也

大禘爲殷祭

大禘大禘也

釋文

外諸夏大國也京師爲內諸夏爲外
相土烈烈海外有截

相土能繼契四海之外截然整齊而治

昭假遲遲

假音格至也

釋文

受小共大共爲下國駿厖何天之龍

言湯爲之立法成下國之性使之大厚乃

荷任天之和道也

正義

有截其所湯孫之緒

於所伐截然大治是湯爲人子孫之業大

武丁之伐與湯同

全上

天命多僻

辟音僻邪也

釋文

松栴有榘旅楹有閑

栴楹以松柏爲之言無彫鏤也陳列其楹

有閑大貌

正義